

O‘zbekiston Respublikasi
Maktabgacha va mакtab ta’limi
vazirining
2024-yil “30”-avgustdagи
285-son buyrug‘iga
1-ILOVA

Maktabgacha va mакtab ta’limi vazirligi tizimidagi umumiy o‘rta ta’lim muassasalari o‘quvchilari o‘rtasida “Ixtirochilikka qadam” tanlovini tashkil etish va o‘tkazish
TARTIBI

1-bob. Umumiy qoidalar

1. Mazkur tartib iste’dodli o‘quvchi-yoshlarni kashf qilish hamda ularni qo‘llab-quvvatlashga qaratilgan “Ixtirochilikka qadam” tanlovini (keyingi o‘rinlarda – tanlov) o‘tkazish tartibini belgilaydi.

2. Tanlov Maktabgacha va mакtab ta’limi vazirligi (keyingi o‘rinlarda - vazirlik) tizimidagi umumiy o‘rta ta’lim muassasalari, jumladan, Prezident, ijod, ixtisoslashtirilgan, davlat va nodavlat umumta’lim maktablari (keyingi o‘rinlarda - mакtab)ning 5-11 sinf o‘quvchilari o‘rtasida o‘tkaziladi.

3. Tanlov har yili mакtab o‘quvchilari o‘rtasida ta’lim, axborot texnologiyalari, yashil energiya, ekologiya, iqlim o‘zgarishi qishloq xo‘jaligi, ishlab chiqarish, sanoat ko‘rsatish yo‘nalishlarida o‘tkaziladi.

4. Tanlov vazirlik huzuridagi Ixtisoslashtirilgan ta’lim muassasalari agentligi (keyingi o‘rinlarda - Agentlik) tomonidan tashkil etiladi.

5. Tanlov mакtab o‘quvchilari orasidan iqtidorli yoshlarni izlab topish va ularni o‘zлari qiziqqan sohalarga yo‘naltirish, ilmiy-texnik ijodkorligi va ixtirochiligini rag‘batlantirish, innovatsion faolligini oshirish va qo‘llab-quvvatlash maqsadida har yili o‘tkaziladi.

2-bob. Tanlovni tashkil etish tartibi

6. Tanlov 4 bosqichda (mакtab, tuman (shahar), hududiy (Qoraqalpog‘iston Respublikasi, viloyatlar va Toshkent shahar), respublika) o‘tkaziladi.

7. Tanlovnинг har bosqichi o‘quv yilining har choragida tashkil etiladi.

8. Tanlovnинг har bir bosqichlarini tashkil etish va o‘tkazish uchun vazirlik, Qoraqalpog‘iston Respublikasi Maktabgacha va mакtab ta’limi vazirligi, Toshkent shahar va viloyatlar maktabgacha va mакtab ta’limi boshqarmalari (keyingi o‘rinlarda — hududiy boshqarmalar), tuman (shahar) maktabgacha va mакtab ta’limi bo‘limlari, umumta’lim maktablarida tashkiliy qo‘mita (keyingi o‘rinlarda — tashkiliy qo‘mita) tuziladi.

9. Quyidagilar tashkiliy qo‘mitaning vazifalari hisoblanadi:

tanlov o‘tkaziladigan joyni belgilash va tasdiqlash;

hakamlar hay’ati tarkibini shakllantirish va tasdiqlash;

tanlovnинг tashkil etilishi, o‘tkazilishi va natijalarini ommaviy axborot vositalarida yoritib borish;

tanlov ishtirokchilari haqidagi ma'lumotlarni axborot tizimiga kiritilishini muvofiqlashtirish;

tanlov natijalari va hakamlar hay'ati qarori asosida g'oliblarni keyingi bosqichda ishtirok etishi bo'yicha tavsiyani yuqori turuvchi tashkiliy qo'mitagaga taqdim etish.

10. Respublika tashkiliy qo'mitasi tomonidan tanlovning baholash mezonlari ishlab chiqiladi va tasdiqlanadi.

11. Prezident, ijod, ixtisoslashtirilgan maktabalarining o'quvchilari to'g'ridan-to'g'ri uchinchi bosqichda ishtirok etadilar.

3-bob. Hakamlar hay'ati

12. Tashkiliy qo'mita tomonidan tanlovning barcha bosqichlari uchun 7-9 kishidan iborat hakamlar hay'ati tuziladi.

13. Hakamlar hay'ati tarkibiga ta'lim, axborot texnologiyalari, yashil energiya, ekologiya, iqlim o'zgarishi va qishloq xo'jaligi yo'naliishlari bo'yicha maktablar, oliy ta'lim va ilmiy-tadqiqot institutlarining, shuningdek, tegishli korxona va tashkilotlarning yuqori malakali mutaxassislari jalb qilinadi.

Hakamlar hay'ati a'zolari ochiq ovoz berish yo'li bilan hay'at raisini saylaydilar.

14. Hakamlar hay'ati:

tanlov ishtirokchilari tomonidan bajarilgan ishlarni Respublika tashkiliy qo'mitasi tomonidan tasdiqlangan baholash mezonlari asosida xolisona tekshiradi, baholaydi va g'oliblarni aniqlaydi;

natijalarni tanlov o'tkazilgan kuni e'lon qiladi;

o'tkazilgan tanlov natijalari bo'yicha qaror qabul qiladi va uni tashkiliy qo'mitagaga taqdim etadi.

15. Hakamlar hay'ati a'zolari tanlov g'oliblarini xolisona aniqlash va belgilangan mezon asosida odilona baholashga shaxsan javobgar hisoblanadi.

4-bob. Tanlovni o'tkazish tartibi

16. Tanlovda ishtirok etish istagida bo'lgan o'quvchilar maxsus onlayn platformada ro'yxatdan o'tishlari talab etiladi.

17. Tanlov ishtirokchilari individual yoki jamoa sifatida ishtirok etishlari mumkin.

Bunda, jamoa a'zolarining soni 3 nafardan oshmasligi lozim.

18. Tanlovda har bir jamoa yoki individual ishtirokchi barcha bosqichlarda ro'yxatdan o'tgan loyihasi bo'yicha ishtirok etadi.

Bunda, ishtirokchilar tanlovning keyingi bosqichlarida loyihani rivojlantirib borishlari mumkin.

19. Tanlovning bir bosqichidan keyingi bosqichiga o'tish vaqtida loyihani kuchaytirish maqsadida jamoaga belgilangan miqdordan oshmagan holda qo'shimcha ishtirokchi jalb etish mumkin.

Bunda, jamoaning dastlabki a'zolari o'zgartirilmaydi.

20. Tanlov to‘rt bosqichda quyidagi muddatlarda o‘tkaziladi:
- birinchi bosqich — maktab miqyosida o‘quv yilining birinchi choragida;
 - ikkinchi bosqich — tuman (shahar) miqyosida o‘quv yilining ikkinchi choragida;
 - uchinchi bosqich — Qoraqalpog‘iston Respublikasi, viloyatlar va Toshkent shahri miqyosida o‘quv yilining uchinchi choragida;
 - to‘rtinchchi bosqich — respublika miqyosida o‘quv yilining to‘rtinchchi choragida.
21. Tanloving birinchi bosqichida har bir maktabdan eng yuqori natija ko‘rsatgan 1 ta loyiha maktab pedagogik kengashining (yoki nodavlat ta’lim tashkiloti rahbarining) qarori bilan ikkinchi bosqichda ishtirok etish uchun tavsiya etiladi.
- Ikkinci bosqichda ishtirok etish uchun tavsiya etilgan loyiha ishlari haqidagi ma’lumotlar axborot tizimiga joylashtiriladi.
- Birinchi bosqichni o‘tkazish bilan bog‘liq masalalar, jarayonningadolatli va shaffof o‘tkazilishini ta’minalashga maktab direktori mas’ul hisoblanadi.
22. Tuman (shahar) maktabgacha va maktab ta’limi bo‘limi birinchi bosqichning tashkil etilishini muvofiqlashtiradi hamdaadolatli va shaffof o‘tkazilishi bo‘yicha nazoratni amalga oshiradi.
23. Ikkinci bosqich tuman (shahar) maktabgacha va maktab ta’limi bo‘limlari tomonidan birinchi bosqichda g‘olib bo‘lgan loyiha ishlari bo‘yicha o‘tkaziladi.
- Tanloving ikkinchi bosqichida eng yuqori natija ko‘rsatgan 3 ta loyiha ishi (1-, 2- va 3-o‘rinlar) bo‘yicha g‘oliblar aniqlanadi va hakamlar hay’ati qarori asosida tashkiliy qo‘mita tomonidan uchinchi bosqichda ishtirok etish uchun tavsiya etiladi.
- Tashkiliy qo‘mita tavsiya etilgan loyiha ishlari to‘g‘risidagi ma’lumotlarni axborot tizimiga kiritadi va tasdiqlaydi.
24. Ikkinci bosqichni tashkil etishda ishtirokchilarini tanlov bo‘lib o‘tadigan manzilga xavfsiz kelib-ketishlariga tegishli maktab direktorlari shaxsan mas’ul hisoblanadi.
25. Hududiy boshqarmalar tuman (shahar) maktabgacha va maktab ta’limi bo‘limlari tomonidan ikkinchi bosqichning o‘tkazilishini nazorat qiladi.
26. Uchinchi bosqich Qoraqalpog‘iston Respublikasi, viloyatlar va Toshkent shahri miqyosida hududiy boshqarmalar tomonidan o‘tkaziladi.
27. Tanloving uchinchi bosqichida ikkinchi bosqichda eng yuqori natija ko‘rsatgan 3 ta loyiha ishi (1-, 2- va 3-o‘rinlar) bo‘yicha g‘olib o‘quvchilar ishtirok etadi.
28. Uchinchi bosqichda eng yuqori natija ko‘rsatgan 3 ta loyiha ishi (1-, 2- va 3-o‘rinlar) bo‘yicha g‘oliblar aniqlanadi va hakamlar hay’ati qarori asosida tashkiliy qo‘mita tomonidan to‘rtinchchi bosqichda ishtirok etish uchun tavsiya etiladi.
29. Ishtirokchilarining tanlov bo‘lib o‘tadigan manzilga xavfsiz kelib-ketishlarini ta’minalashga tuman (shahar) maktabgacha va maktab ta’limi bo‘limi mudirlari shaxsan mas’ul hisoblanadi.

30. Tanlovning to‘rtinchi bosqichi Agentlik tomonidan uchinchi bosqichda eng yuqori natija ko‘rsatgan 3 ta loyiha ishi (1-, 2- va 3-o‘rinlar) bo‘yicha g‘olib o‘quvchilar o‘rtasida tashkil etiladi.

31. To‘rtinchi bosqichda eng yuqori natija ko‘rsatgan 3 ta loyiha ishi (1-, 2- va 3-o‘rinlar) g‘olib hisoblanadi.

Tanlovda eng yuqori natija ko‘rsatgan 10 ta loyiha ishi Oliy ta’lim va innovatsiyalar vazirligi huzuridagi Innovatsion rivojlanish agentligining Ilm-fanni moliyalashtirish va innovatsiyalarni qo‘llab-quvvatlash jamg‘armasi mablag‘lari hisobidan amaliyotga tatbiq etish uchun tavsiya qilinadi.

32. To‘rtinchi bosqichni tashkil etishda ishtirokchilarning respublika bosqichi bo‘lib o‘tadigan manzilga xavfsiz kelib-ketishlariga:

Qoraqalpog‘iston Respublikasi maktabgacha va maktab ta’limi vaziri, viloyatlar va Toshkent shahar maktabgacha va maktab ta’limi boshqarma boshliqlari;

boshqa vazirlik va idoralarning tizimida bo‘lgan ta’lim tashkilotlarining rahbarlari;

nodavlat ta’lim tashkiloti rahbarlari;

5-bob. Tanlov g‘oliblarini taqdirlash

33. Tanlovning ikkinchi va uchinchi bosqichi g‘oliblari tuman (shahar) maktabgacha va maktab ta’limi bo‘limlari, Qoraqalpog‘iston Respublikasi maktabgacha va maktab ta’limi vazirligi, viloyatlar va Toshkent shahar maktabgacha va maktab ta’limi boshqarmalari hamda homiyalar tomonidan rag‘batlantiriladi.

34. Tanlovning to‘rtinchi bosqich g‘oliblari vazirlik tomonidan taqdirlanadi.

6-bob. Yakunlovchi qoidalar

35. Tanlov to‘g‘risidagi ma’lumotlar va uning natijalari tashkilotchilar va ularning tizimidagi tashkilotlar rasmiy veb-sayti va boshqa ommaviy axborot vositalarida e’lon qilinadi.

36. Ushbu Nizom talablari buzilishida aybdor bo‘lgan shaxslar qonunchilik hujjalari belgilangan tartibda javobgarlikka tortiladi.